



BOSNIA AND HERCEGOVINA  
MINISTRY OF FINANCE  
AND TREASURY

CENTRALNA/SREDIŠNJA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-16-8-178-1/19  
Sarajevo, 22.05.2019. godine

Na osnovu člana 61. stav (2) Zakona o upravi („Službeni glasnik BiH“, broj: 32/02, 102/09 i 72/17) i člana 33b. i 33f. stav (2) tačka b), a u vezi s članom 33i. stav (2) Zakona o finansiranju institucija Bosne i Hercegovine („Službeni glasnik BiH“, broj: 61/04, 49/09, 42/12, 87/12 i 32/13), direktor Centralne harmonizacijske jedinice Ministarstva finansija i trezora Bosne i Hercegovine, donosi

**PLAN I PROGRAM OBUKE IZ OBLASTI  
FINANSIJSKOG UPRAVLJANJA I KONTROLE U INSTITUCIJAMA  
BOSNE I HERCEGOVINE ZA 2019. GODINU**

**I OPĆI DIO**

**Član 1.**

Predmet Plana i programa obuke iz oblasti finansijskog upravljanja i kontrole u institucijama Bosne i Hercegovine za 2019. godinu (u daljnjem tekstu: Plan i program obuke) jeste stručna obuka osoba zaduženih za finansijsko upravljanje i kontrolu, koordinatora za proces upravljanja rizicima, rukovodilaca nižeg i srednjeg nivoa rukovođenja uključujući i druge službenike koje rukovodilac institucije zaduži za uspostavljanje i razvoj finansijskog upravljanja i kontrole, kao i službenika koji rade u organizacionim jedinicama za finansije i budžet.

**Član 2.**

- (1) Svrha Plana i programa obuke jeste upoznati institucije BiH sa stepenom uspostave i planiranim mjerama za daljnji razvoj sistema finansijskog upravljanja i kontrole u institucijama BiH;
- (2) Obrazložiti aktivnosti koje je potrebno provesti kako bi se realizirali zaključci Vijeća ministara BiH i Parlamentarne skupštine BiH u vezi s Godišnjim konsolidiranim

- izvještajem o sistemu finansijskog upravljanja i kontrole u institucijama BiH za 2018. godinu;
- (3) Ukazati na mjere i aktivnosti iz Operativnog godišnjeg akcionog plana za razvoj i unapređenje sistema internih finansijskih kontrola u institucijama BiH za 2019. godinu.

## II PROGRAM OBUKE

### Član 3.

Program obuke iz oblasti finansijskog upravljanja i kontrole za 2019. godinu sastoji se od četiri modula i to:

- (1) Analiza stanja i preporuke za unapređenje sistema finansijskog upravljanja i kontrole u institucijama BiH;
- (2) Pojam, svrha, metodološki okvir i karakteristike finansijskog upravljanja i kontrole u institucijama BiH;
- (3) Jačanje svijesti rukovodilaca na srednjem i višem nivou upravljanja o značaju unapređenja finansijskog upravljanja i kontrole u institucijama BiH;
- (4) Instrukcije za izradu godišnjeg izvještaja o sistemu finansijskog upravljanja i kontrole u institucijama BiH.

### Član 4.

- (1) U okviru Modula 1. Analiza stanja i preporuke za unapređenje sistema finansijskog upravljanja i kontrole u institucijama Bosne i Hercegovine Plan i program obuke obuhvata sljedeće teme:
  - Analizu trenutnog stanja u oblasti finansijskog upravljanja i kontrole u institucijama BiH s preporukama za daljnji razvoj,
  - Realizacija godišnjeg operativnog akcionog plana za realizaciju Strategije razvoja sistema internih finansijskih kontrola u institucijama Bosne i Hercegovine za 2018. godinu,
  - Radionica o upravljanju rizicima u institucijama Bosne i Hercegovine.
- (2) U okviru Modula 2. Pojam, svrha, metodološki okvir i karakteristike finansijskog upravljanja i kontrole u institucijama BiH Plan i program obuke obuhvata sljedeće teme:
  - Uvod u finansijsko upravljanje i kontrolu,
  - Organizacijske pretpostavke i upravljačka odgovornost,
  - Metodološki okvir za finansijsko upravljanje i kontrolu,
  - Koraci i mjere za uspostavu i razvoj finansijskog upravljanja i kontrole i
  - Upravljanje procesom upravljanja rizicima.
- (3) U okviru Modula 3. Jačanje svijesti rukovodilaca na srednjem i višem nivou upravljanja o značaju unapređenja finansijskog upravljanja i kontrole u institucijama BiH Plan i program obuke obuhvata sljedeće teme:
  - Svrha i značaj finansijskog upravljanja i kontrole,



- Odgovornost rukovodilaca i svih zaposlenih u institucijama Bosne i Hercegovine za unapređenje finansijskog upravljanja i kontrole i
  - Uloga i doprinos Ureda za reviziju institucija BiH unapređenju finansijskog upravljanja i kontrole u institucijama BiH.
- (4) U okviru Modula 4. Instrukcija za izradu godišnjeg izvještaja o sistemu finansijskog upravljanja i kontrole u institucijama BiH Plan i program obuke obuhvata temu „Analiza upitnika o samoprocjeni sistema finansijskog upravljanja i kontrole s detaljnim uputstvima o njegovom popunjavanju“.

#### Član 5.

- (1) Stručna obuka za Modul 1. trajat će 4 (četiri) školska časa i namijenjena je osobama zaduženim za finansijsko upravljanje i kontrolu, koordinatorima za proces upravljanja rizicima, i drugim službenicima koje rukovodilac institucije zaduži za uspostavljanje i razvoj finansijskog upravljanja i kontrole. Modul 1. organizira se kao jednodnevni radni skup interaktivnog tipa.
- (2) Stručna obuka za Modul 2. trajat će 4 (četiri) školska časa. Modul 2. namijenjen je rukovodiocima organizacionih jedinica u kojima se odvijaju ključni poslovni procesi u institucijama Bosne i Hercegovine, a koji do sada nisu bili prisustvovali obukama iz oblasti finansijskog upravljanja i kontrole u organizaciji Centralne harmonizacijske jedinice Ministarstva finansija i trezora BiH. Modul 2. organizira se kao jednodnevni radni skup interaktivnog tipa
- (3) Stručna obuka za Modul 3. trajat će 4 (četiri) školska časa. Modul 3. namijenjen je rukovodiocima srednjeg i višeg nivoa upravljanja, odnosno pomoćnicima ministara i pomoćnicima direktora u institucijama BiH. Modul 3. organizira se kao radni skup interaktivnog tipa. Radionicu će voditi predstavnici Ureda za reviziju institucija BiH i Centralne harmonizacijske jedinice Ministarstva finansija i trezora BiH.
- (4) Modul 4. trajat će 2 (dva) školska časa, a namijenjen je službenicima koji su zaduženi za pripremu i dostavljanje Godišnjeg izvještaja o sistemu finansijskog upravljanja i kontrole u institucijama BiH.
- (5) Na obukama je obavezno prisustvo bar jednog predstavnika iz svake institucije BiH.

#### Član 6.

Rukovodioci institucija vršit će izbor polaznika obuke iz svojih institucija u skladu s planovima stručnog usavršavanja i obučavanja zaposlenih i definiranjem ciljane grupe polaznika od strane Centralne harmonizacijske jedinice Ministarstva finansija i trezora BiH.

#### Član 7.

Polaznici obuke biće blagovremeno obaviješteni o terminima i mjestu održavanja obuke.

#### Član 8.

- (1) Polaznici obuke će po završetku realizacije Plana i programa obuke dobiti uvjerenje o završenoj obuci koje će izdati Centralna harmonizacijska jedinica Ministarstva finansija i trezora BiH.

- (2) Centralna harmonizacijska jedinica Ministarstva finansija i trezora BiH će, u skladu s članom 31. Odluke o načinu provođenja obuke državnih službenika u institucijama Bosne i Hercegovine („Službeni glasnik BiH“, broj: 15/17), Agenciji za državnu službu BiH dostaviti sve relevantne podatke u vezi s planiranim obukama radi utvrđivanja broja kredita.
- (3) Centralna harmonizacijska jedinica Ministarstva finansija i trezora BiH će polaznicima obuke dostaviti informaciju Agencije za državnu službu BiH o utvrđenom broju dodijeljenih kredita za predmetnu obuku.

#### **Član 9.**

- (1) Obuku će voditi instruktori iz Centralne harmonizacijske jedinice Ministarstva finansija i trezora BiH, koji su u okviru projekta Evropske unije „Jačanje upravljanja javnim finansijama“ obučeni za oblast finansijskog upravljanja i kontrole u institucijama Bosne i Hercegovine.
- (2) Za pojedina, specifična područja obuke Centralna harmonizacijska jedinica Ministarstva finansija i trezora BiH može angažirati vanjske predavače koji su eksperti u tim oblastima.

#### **Član 10.**

Instruktori za finansijsko upravljanje i kontrolu dužni su:

- Držati se sadržaja obuke i preporuka Centralne harmonizacijske jedinice Ministarstva finansija i trezora BiH
- Stručno, kvalitetno i profesionalno provesti obuku za koju su zaduženi.

#### **Član 11.**

- (1) Angažirani instruktori za finansijsko upravljanje i kontrolu, koji nisu iz Centralne harmonizacijske jedinice Ministarstva finansija i trezora BiH, imaju pravo na naknadu za svoj rad na obukama u iznosu od 50,00 KM za jedan školski čas, u skladu s članom 16. stav (1) tačka a) Odluke o načinu provođenja obuke državnih službenika u institucijama BiH.
- (2) Centralna harmonizacijska jedinica Ministarstva finansija i trezora BiH će sa svakim angažiranim vanjskim instruktorom zaključiti ugovor o djelu/privremenim i povremenim poslovima.
- (3) Sredstva za ove naknade osigurana su u budžetu Centralne harmonizacijske jedinice Ministarstva finansija i trezora BiH BiH za 2019. godinu.

#### **Član 12.**

Centralna harmonizacijska jedinica Ministarstva finansija i trezora BiH zadržava pravo na odstupanje od Plana i programa obuke iz oblasti finansijskog upravljanja i kontrole u institucijama BiH za 2019. godinu u zavisnosti od dinamike realizacije projekta tehničke

podrške „Unapređenje javne interne finansijske kontrole u Bosni i Hercegovini“, kojeg finansira Evropska komisija.

### III PRELAZNE I ZAVRŠNE ODREDBE

#### Član 13.

Ovaj plan i program obuke odnosi se na 2019. godinu.

#### Član 14.

Plan i program obuke za finansijsko upravljanje i kontrolu u institucijama BiH stupa na snagu danom donošenja.



**DIREKTOR**  
*[Handwritten signature]*  
**Ranko Šakota**